

পোস্ট মডার্নিজম এবং আমি

এক

পোস্ট মডার্নিজম বিষয়ক একটি সাদামাটা প্রবন্ধ লিখতে চাইছি। সহজ ভাষায়, যেন রামকৃষ্ণ কথামত।

অথচ পোস্ট মডার্নিজম বিষয়ে আমার পড়াশুনো খুব কম, নেই বললেই চলে, কয়েকটি বই উল্টেপাল্টে দেখেছি। পোস্ট মডার্নিজম : আমার হাসি পেল। প্রাতিপাদ্যগুলো আমার কতদিনের চেনা-জানা, লিপিবদ্ধ করা, ওরা এখন আমার কথাগুলোই বলছে, একটু বিকৃতভাবে, মডার্নিজমের ভিতর দিয়ে প্রতীকিত হয়ে আমার কথাগুলো ফিরে আসছে আমারই কাছে। পোস্ট মডার্নিজম বিষয়ক গ্রন্থগুলো পড়ার কোনো তাগিদ আমি অনুভব করি না, কেননা ওই সকল গ্রন্থগুলি আমারই লেখা। আমি এখন আমার কয়েকটি প্রাতিপাদ্য আর একবার রাখব, পোস্ট মডার্নিজমের মোড়কে, তোমার কাছে। যুবক, শোন। এখনই তো শোনার সময়, যখন আমাদের মাথার উপর ভেঙে পড়ছে আকাশ এবং ঈশ্বরের হাড়গোড়।

অতএব এটি প্রিয় গায়ত্রীদ বা ডেরিডার পোস্ট মডার্নিজম নয়। এর প্রবক্তা আমি।

দুই

পোস্ট মডার্নিজম বলে (যে) কোনো কথারই ধ্রুব অর্থ নেই। সময়, কাল এবং অনুচ্ছিন্ন ভেদে অর্থের ভেদ ঘটে। কাঠুরিয়া গাছটির দিকে তাকিয়ে দেখল কাঠ। পাখিরা গাছকে বৃক্ষ বলে জানল। পাখি এবং কাঠুরিয়ার কাছে গাছ সমান অর্থ বহন করে না। যে ডোমটি রবীন্দ্রনাথকে পুড়িয়েছিলেন, তিনি তো রবীন্দ্রনাথকে বরাবরই ‘লাশ’ বলে গেলেন তাঁর ইন্টারভিউতে।

আবার কোনো শব্দই নিরালম্ব নয়। শব্দরা কথা বলে পরস্পর, বাক্যটি তৈরি হয়। তারপর বাক্য থেকে অনুচ্ছেদ, অনুচ্ছেদ থেকে অধ্যায়, গ্রন্থ। বাক্যটিকে বদলে দাও, শব্দের মানে বদলে যাবে। অথবা একটি শব্দকে একটু অন্যভাবে বোঝ, বাক্যটি বিপরীত অর্থ নিয়ে আসতে পারে।

যেমন নিম্নবর্ণের মানুস চন্দ্রগ্রহণে দেখল : তাদের দেবতা রাহু চাঁদকে খণশোধ করতে বলছে।

একজন ঈশ্বরপ্রেমিক এই বাক্যটিকে বদ্ব্যন্তরে গিয়ে কয়েকটি সমীকরণ তৈরি করেন :

দেবতা = মঙ্গলময় দেবতা, শুদ্ধ

⇒ নিম্নবর্গ = রাহু

⇒ উচ্চবর্গ = চাঁদ

⇒ নিম্নবর্গ উচ্চবর্গকে ঋণশোধ করতে বলছে

⇒ ইনভার্সন, বিদ্রোহব্যঞ্জক

নাস্তিকের দেবতা নেই। তাই তাঁর কাছে

দেবতা = দানব, অশুভ

সমীকরণ একের পরিবর্তনের সঙ্গে সঙ্গে বাকি সমীকরণগুলো উল্টে গেল। দুই নম্বর

সমীকরণ দাঁড়াল

নিম্নবর্গ ≠ রাহু

অর্থাৎ নিম্নবর্গ = চাঁদ

অতএব, উচ্চবর্গ = রাহু

⇒ উচ্চবর্গ নিম্নবর্গকে ঋণ শোধ করতে বলছে

⇒ নিম্নবর্গের ভয়।

নাস্তিক শুদ্ধমাত্র একটি শব্দ (দেবতা) কে ভিন্ন অর্থে বদ্ব্যন্তরে এবং বাক্যটি উল্টে গেল।

এইভাবে একটি শব্দের মানে বদলে দিয়ে যেমন বাক্যটির মানে উল্টে দেওয়া যায়,

তেমনিভাবে একটি গ্রন্থও বদলে যেতে পারে যদি তার কয়েকটি সংবেদনশীল শব্দ এবং

বাক্য ভিন্ন অর্থ ধারণ করে। যেহেতু বাকি শব্দ এবং বাক্যাঙ্গুলি ওই সংবেদনশীল বাক্য

এবং শব্দগুলোকে অবলম্বন করেছিল, তারাও বদলে যায়, গ্রন্থটির প্রতিটি লাইন

পুনর্লিখিত হতে থাকে যতক্ষণ না একটি গ্রন্থ থেকে আর একটি গ্রন্থ বেরিয়ে আসে।

এইভাবে গ্রন্থ থেকে গ্রন্থের জন্ম হয়। একে বলে ডিকনস্ট্রাকশন। গ্রন্থই গ্রন্থের লেখক।

গ্রন্থকার একটি মায়ামাত্র। দি অথর ইজ ডেড।

আমি ডিকনস্ট্রাকশনের কোনো তত্ত্ব রাখব না। ডিকনস্ট্রাকশন কোনো তত্ত্ব নয়, একটি

প্রাকটিস। আমি একমুণ্ডিত ধূলি থেকে তৈরি করতে পারি শহর, মরুভূমি বা পশ্চিমফুল।

আমি রবীন্দ্রনাথকে সন্দীপনি করতে পারি, সন্দীপনকে রাবীন্দ্রিক। আমার চারপাশের

সমবেত লেখকেরা এবং গ্রন্থগুলোই মায়ামাত্র। লেখক নেই গ্রন্থ নেই জ্ঞানী নেই অজ্ঞ নেই

ঈশ্বর নেই।

আসল কথা হল অনুবঙ্গ। অনুবঙ্গ বদল কর, অর্থও বদলে যাবে, গ্রন্থটির অর্থ।

গ্রন্থটির কয়েকটি সংবেদনশীল শব্দ যে বিশেষ অর্থ বহন করে, তাও তো অনুবঙ্গেরই

জন্য। তারাই স্ফুটী যারা তাদের পরিজনদের নিয়ে একটি বিশেষ অনুবঙ্গে বাঁচে। তাদের

কাছে সবকিছু একটিই অর্থ বহন করে। এরা হল স্ফুটী ব্যাঙ। কুম্বোর ভিতরই দেখেছে

বিশ্ব, ব্রহ্মাণ্ড : ঈশ্বর।

আমাদের ব্যক্তিগত কুপ নেই, আকাশের নিচে আমাদের ঘর। ঝড়ে, বৃষ্টিতে, মাস্তানের দাপটে আমাদের ঘর ভেঙে যায়। ভাঙা টুকরোগুলো জড়ো করি, আবার তৈরি হয় ঘর। ঘর থেকে ঘর। যাযাবর আমরা।

তিন

ফলত কোনো শব্দই নির্দিষ্ট এক অর্থ বহন করে না আমাদের জন্য। এমনকি ডিকনস্ট্রাকশন শব্দটিও। ইংরেজি সাহিত্যের দ্বিধামগ্ন গায়ত্রীদে যেভাবে ডিকনস্ট্রাকশন বুঝবেন সেইভাবে আমি কি বুঝতে পারি, অর্থনীতির একজন ছাত্র? আমি অর্থনীতির তাত্ত্বিক প্রাকটিসের অনুষঙ্গের মধ্য দিয়ে ডিকনস্ট্রাকশন বুঝি। অর্থনীতিতে আমরা তাত্ত্বিক মডেল তৈরি করি। তারপর মডেল থেকে আর একটি মডেল, একটি প্রবন্ধ থেকে আরও প্রবন্ধ। কোনও প্রবন্ধেরই নির্দিষ্ট কোনো অর্থ নেই আমাদের জন্য।

প্রাথমিক শর্তগুলো বদলে দাও। প্রবন্ধটিও বদলে যাবে। যাঁরা এই কাজ ভাল করতে পারেন, তাদের বলা হয় বড় অর্থনীতিবিদ।

আসলে সব শাস্ত্রেই এটি একটি চালু রীতি, এমনকি সাহিত্যেও। সাহিত্যিক সন্দীপন চট্টোপাধ্যায় একবার আমাকে বলেছিলেন, ‘নাউন আর ভার্ভগুলোকে ধর। ‘স্মৃতি তুমি বেদনা’ এই কথাটির কোনো মানে হয় না। (কিসের স্মৃতি? তুমিই বা কে? আর বেদনাই বা কি?)’ অর্থাৎ সন্দীপন চাটুষ্যে গদ্যরচনার একটি মডেল দিলেন। প্রশ্ন : এই মডেল থেকে কি আমরা আর একটি মডেল তৈরি করতে পারি? অথবা : মডেলটির ভিতরেই কি আরও অনেক মডেল লুকিয়ে (নিহিত) আছে? আমি কথাটিকে এইভাবে বুঝলাম যে তুমি স্মৃতি / বেদনা শব্দগুলি ব্যবহার করতে পার, তবে তার অ্যাসোসিয়েশনও রাখবে যাতে এই শব্দগুলিকে শনাক্ত করা যায়। অর্থাৎ অ্যাবস্ট্রাক্ট এবং কংক্রিটের সমন্বয়ে আর একটি গদ্যশৈলী তৈরি করা যায়। মহৎ গদ্যকারেরা (সন্দীপন, রাঘব) গদ্যরচনার একটি মডেল অনুসরণ করেন, যার ভিতরেই থাকে অসংখ্য মডেল। কেউ-কেউ এই মডেলগুলি দেখতে পান। তাঁরা সাহিত্যিক। সাহিত্যিক ভাবেন, আমি গদ্যরচনার একটি ঘরানা সৃষ্টি করলাম। মৃদু হেসে বলার : ভুল। সবকিছুই ছিল। কেউ কেউ লক্ষ করে, বাকিরা করে না।

সচেতনভাবে মডেল থেকে মডেল তৈরি করার কাজকে বলে ডিকনস্ট্রাকশন।

চার

অর্থাৎ ডিকনস্ট্রাকশন হল না-এর মাধ্যমে একটি গ্রন্থ বা মডেল বোঝা। আমার সামনের এই টোবলটি— এর কি কোনও মানে আছে? টোবলটিকে আমি একাধিক না-এর মাধ্যমে বুঝি : যেমন, টোবলটি চেয়ার নয়, পেন নয়, কালি নয়, মানুষ নয়

ইত্যাদি। এইভাবে প্রতিটি শব্দই অসংখ্য না-কে বহন করে, যারা শব্দটিকে শনাক্ত করে। হেগেল বলবেন যে এইভাবে টেবিলটিকে আমরা কোনোদিনই বুঝব না। হঠাৎ একদিন কেমনভাবে যেন (অ্যানালিসিস এবং সিন্থেসিস সহযোগে) টেবিলটিকে আমরা টেবিল হিসেবে বুঝি। হেগেল রিভলেশনে বিশ্বাসী। আমরা নই।

অতএব, আমরা না-এর ভিতর দিয়েই টেবল বুঝব : টেবিল চেয়ার নয়, পেন নয়, মানুস নয়। এইভাবে টেবিল, চেয়ার, পেন এবং পেনহাতে মানুসটি এবং তাদের সকলকে ঘিরে যে শূন্যতা (স্পেস), এক সামগ্রিকতা তৈরি করে। এই সামগ্রিকতার অংশ হিসেবেই টেবিল, চেয়ার এবং কলম তাদের অর্থ বহন করে।

এসব কিছই নতুন নয়। হেগেল বলেছিলেন, মার্কসও। শূদ্ধ সামগ্রিকতা যে সবসময়েই ভঙ্গুর তাঁরা মানেন নি।

আমাদের জন্য কোনও নির্দিষ্ট সামগ্রিকতা নেই। (আকাশের নিচে আমাদের ঘর)। তাই টেবিল, চেয়ার, কলম সবকিছই আমাদের জন্য অনুমজ্জ ভেদে ভিন্ন অর্থ নিয়ে আসে। (লেখকের হাতে কলম এবং একজর্জিকউটিভ বা বানরের হাতের কলম কি এক?) আবার টেবিল উল্টে যায়; অনিবার্যভাবে সামগ্রিকতার পরিবর্তন ঘটে। ডিকনস্ট্রাকশনের প্রথম ধাপ হল এই টেবিল ওলটানো। অতএব,

এক : টেবিল ওলটাও (ইনভার্সন)। প্রতিটি গ্রন্থেই কয়েকটি সংবেদনশীল শব্দ / বাক্য থাকে। তাদের অর্থ উল্টে দাও। যেমন আমরা এই প্রবন্ধের শুরুর্তেই দেবতাকে উল্টে দানব করেছিলাম। আর সবকিছই তখন কেমন পাণ্টে গেল (ডিসপ্রেসড হল)।

দুই : সবসময়ে এইরকম টেবিল ওলটানোর দরকার নেই। একটি গ্রন্থকে আসামীর কাঠগড়ায় দাঁড় করাও এবং তাকে ক্রমাগত প্রশ্ন (ইন্টারোগেট) করতে থাক, তারই অনুসন্ধানের ভেতর থেকে, প্রাথমিক শর্তগুলো মেনে নিয়ে। তখন দেখা যাবে গ্রন্থকার একজন খুনী; অনেক সম্ভাবনাকে খুন করেই গ্রন্থকার তাঁর ভাবনাগুলোকে একটি বই-এর আকার দিতে পেরেছেন। খুনী যেমন চিহ্ন রেখে যায়, গ্রন্থটির লেখকও তাঁর হত্যাকাণ্ডের সংকেত রাখেন। ইন্টারোগেশনের সামনে পড়ে লেখক পিছন হঠতে থাকেন, তখন তিনি এক খাদের কিনারে, তারপর তিনি একসময় টুপ করে খাদের ভিতর পড়ে যান, শূদ্ধ বাতাসে বইটির পাতাগুলো উড়তে থাকে, জড়ো হয়, আবছা হয়ে আসে, অন্য শব্দের জন্ম হয়, অন্য গ্রন্থ। এমনিভাবেই মার্কস হেগেলকে নিয়ে গিয়েছিলেন খাদের কিনারে, তাঁর ক্যাপিটালের প্রথম অধ্যায়ে। ভালমানুষ আলখুদার বোঝেন নি।

পাঁচ

আমার নাম অজিত চৌধুরী, কম কথায় এ সি। আমি তোমাদের হিস্ট্রি অফ ইকনমিক

থট পড়াব।

বিষয়টি পড়তে গিয়ে প্রথমেই মনে রাখতে হবে : হিস্ট্রি অফ ইকনমিক থট হল সোনার পাথরবাটি। ইতিহাস নেই, অর্থনীতিও নেই। অতএব, আমি তোমাদের হোঁকা টেক্সট বুক লেখক শূরুপিটারের মতো প্রেটো থেকে বর্তমানে আসব না। আমরা বর্তমান থেকে মার্কস → রিকার্ডো, স্মিথ → ফিজিওক্ৰ্যাট কেনে এবং ইংল্যান্ডের পেটি → মার্কে'নটাই-লিজম এই চেইন অনুসরণ করব। অথবা আমরা যে কোনো জায়গা থেকেই শূরু করতে পারি। সর্বকহুই আছে। বর্তমান। উদাহরণস্বরূপ, আমরা প্রাক স্মিথ অর্থনীতিবিদ পেটি থেকে শূরু করতে পারি। পেটির লেখা গ্রন্থ লাইব্রেরিতে নেই এটি একটি বাজে কথা। আছে। স্মিথের ওয়েলথ অফ নেশনের ভেতরেই আছে পেটির গ্রন্থটি। অতএব, তোমাদের প্রথম কাজ হবে স্মিথ থেকে শূরু করা। স্মিথ পড়লেই তোমরা বুঝতে পারবে যে ভদ্রলোক ছিলেন খুনী। তিনি পেটিকে খুন করে পিতা হয়ে বসে আছেন। কিন্তু তিনি যত বুদ্ধিমানই হোন না কেন খুনের চিহ্নগুলো সব কিন্তু তিনি মুছে ফেলতে পারেন নি। আমরা এই খুনের চিহ্নগুলো শনাক্ত করে পেটির গ্রন্থটি উদ্ধার করব। তখন তোমরা বুঝতে পারবে যে পেটিই আমাদের পিতা : পেটি সামন্ততান্ত্রিক সমাজ থেকে পুঁজিবাদে ইংল্যান্ডের বিবর্তনের সময়ের হত্যাকাণ্ডগুলির বর্ণনা করেন তাঁর গ্রন্থে। যেহেতু পেটি ছিলেন এই হত্যাকাণ্ডের দর্শক এবং সাক্ষী, মাফিয়া নেতা স্মিথ তাঁকে খুন করেন। (খুনী স্মিথকে চিনে নাও)।

অতএব, পেটিই হলেন আমাদের পিতা। আমরাও আজ এই হত্যাকাণ্ডের নীরব সাক্ষী। (ভারতবর্ষ রেসের মাঠ মৃত্যুসন্ধানি বেণের)। অতএব, আমরা পেটিকে পিতা করব। মিছে কথা বলে লাভ নেই— আমরা বাস্টার্ড, আমাদের পিতা নেই। অতএব, সামাজিকতার জন্য কোনো এক পিতার জন্ম দেব। পুত্রই পিতার জনক।

অতএব, দেখ, বেশি রেফারেন্স পড়বার দরকার নেই। যে কোনো একটি বই পড়লেই চলবে। কেননা একটি গ্রন্থের ভেতরেই আছে সকল গ্রন্থগুলি। বেশি রেফারেন্স পড়ে বোকারা। কেন বেশি পড়বে? দেখ, বাইরে সকাল, মিষ্টি শীতকালের রোদ, সাইবেরিয়া থেকে পাখিরা ফিরে আসছে আমাদের এই প্রাচীন জলাভূমিতে, কি হবে লাইব্রেরিতে গিয়ে।

অতএব, একটি বই-ই পড়। স্মিথের ভেতরেই তোমরা পাবে মার্কসকে। তারপর ক্যাপিটাল গ্রন্থটি নিজেই লেখ। এতে একটি সুবিধা আছে : মার্কসকে কেউ অবসোলিট বলতে পারবে না। আর যদি গোড়া থেকেই শূরু করতে চাও তো বেদ থেকে শূরু করতে পার। ঋগ্বেদ হল ইকনমিক অ্যানথ্রপোলজির প্রথম টেক্সট। আমরা Sa(va)ge Mind গ্রন্থে এ বিষয়ে আমি বিশদ আলোচনা করেছি। দেখ সাহেবদের বঙ্গজাতি, লৌভ স্ট্রাউস Savage Mind লিখেছেন : Sa(va)ge ছেড়ে Savage, ফরাসি মদ ছেড়ে খেনো। ভাল করে Sage-দের লেখাগুলো পড়। Savage-রা কোন

চুড়োর উঠতে পারে বুঝাবি। দেখ তো, ঘণ্টা বেজে গেল। আমি বরাবর দেখেছি ক্লাসটা শূন্য করতে না করতেই ঘণ্টা বেজে যায়।

হয়

অতএব, লেখক নেই, গ্রন্থও নেই। বই লেখার দিন শেষ হল।

সদুত্তরাং আর লেখক বলে কেউ রইল না। দি অথর ইজ ডেড। ‘আমি লিখি’ ভাবাটা আদর্শে হল এক গ্রাম্যতা। যেমন চাষি ভাবে ফসলটি সেই তৈরি করেছে; চাষি বীজ বুনছে, ফসল কেটেছে, এইবার চাষি-বোঁ পাখা দিয়ে তাকে হাওয়া করবে। এটা ছেলেমানুষী।

গ্রামের তাঁতি ঠিক এরকম ভাবে না; সে জানে যে তুলোটা তাকে চাষিই দিয়েছে। তবে তুলো থেকে কাপড়—এটা সে, একটি তাঁতি, করেছে। এটা হল পরিশীলিত গ্রাম্যতা।

আসলে লেখক লেখেন না; একটা লেখা লেখকের মধ্য দিয়ে প্রতিসারিত হয় মাত্র। প্রতিসারিত, অর্থাৎ প্রতিফলিত বা প্রতিবিস্তৃত নয়। যেমন আমার এই কথাগুলো প্রতিসারিত হয়ে পড়ছে তোমার চোখে, মূখে, তোমার মূখের মাংস ও চামড়ার রঙ বদলে যাচ্ছে, যেন দিবাশেষের শেষ আলো এসে পড়েছে তোমার মূখে, অথবা উষাকালে ফুল তুলছে তুমি। (কেন রোজ ফুল তুলতে যাও, তুমি ?)

আমি যে চিঠি লিখি তোমাকে তার মানে আমি জানি না। আমার জাগরণ কাঁটে এক স্বপ্নের সন্ধানে। রাতে কি যেন এক স্বপ্ন দেখেছিলাম : গোয়ালঘরের দরজা ঘেঁষে দাঁড়িয়ে আছ তুমি, হঠাৎ মাথার উপর দিয়ে এরোপ্লেন চলে গেল, তুমি বললে ‘উই, দেখ উড়োজাহাজ’, আরও কি সব বলছিলে যেন তুমি, আমার ঘুম ভেঙে গেল। আমি আমার স্বপ্নটিকে লিপিবদ্ধ করি। এ স্বপ্নের মানে কি ছাই, আমি জানি? তুমি যেমন খুঁশি মানে করে নাও।

তোমার কাছে মিথ্যে কথা বলব না। স্বপ্নটিকে লিখতে গিয়ে এদিক ওদিক থেকে চুরি করতে শূন্য করলাম আমি। চুরি করতে গিয়ে দেখি, কি আশ্চর্য। ওগুলো তো সবই একসময় আমার ছিল। কোনটা যে আমার, কোনটা যে ওদের আমার গোল বেঁধে গেল। আমি সর্বকিছুই তোমাকে পাঠালাম। তুমি বুঝে নাও।

এতদিনে তুমি নিশ্চয় বুঝে ফেলেছ আমার সব চিঠি আসলে একটাই চিঠি। আসলে দুটো চিঠি লিখবার ক্ষমতা আমার নেই। অথবা দ্বিতীয় চিঠি কি লেখা হয়েছে, আজও? কে যেন, কবে, একটা, চিঠি লিখেছিল? পোস্টম্যান কোলাকাঁধে ঘুরে বেড়ায় শূন্য এক প্রাচীন চিঠি নিয়ে, দ্বার থেকে দ্বারে। বলতে আপত্তি নেই যে কার্যদাটি আমি চুরি করি বাঙলার দ্বিতীয় পোস্ট মডার্নিস্ট কবি উৎপল বসুদর কাছ থেকে।

‘নিরক্ষর বেশ্যাদের জন্য চিঠি লিখে যাচ্ছি।’

দিনশেষে একবার যাব তোমার ঘরে, একটুক্ষণ বসতে দিও, তোমার ঘরের ধুলো না আনলে যে আমার পুঞ্জো অসম্পূর্ণ থেকে যাবে।

মাত

সোজা কথা সোজাভাবে বলাই ভাল : সাহিত্য (উপন্যাস / গল্প / কবিতা) বলে কিছু নেই। যেমন ইতিহাস নেই, সাহিত্যও নেই। ঐতিহাসিকরা যে মাথামোটা একথা আজ পৃথিবীর সর্বপ্রান্তেই স্বীকৃত। সাহিত্যিকেরা কিন্তু এখনও কিছু সম্প্রদায় (নোবেল প্রাইজ, পরস্কার প্রেম) পান।

সাহিত্যিকেরা মানুষের মনের গভীর আনাচ-কানাচগুলোর খোঁজ জানেন, এটা প্রেফ একটা গুজব; এ কাজটা প্রফেশনাল সাইকোঅ্যানালিস্ট অনেক ভাল পারেন। আর সমাজ ব্যাপারটা সাহিত্যিকের চেয়ে সমাজবিজ্ঞানী ভাল জানবেন এটাই তো স্বাভাবিক। বস্তুত সাহিত্যিকের কারবার শব্দ নিয়ে। শব্দ, শব্দানুভূতি এবং তারই অবজেক্ট হিসেবে আসে সমাজ, মরুভূমি, ফুল, মানুষ-মানুষী।

একটি বই-এর সঙ্গে এক বৃন্দ্রের প্রেম, এই নিয়ে কি কোনও উপন্যাস লেখা যেতে পারে? বৃন্দ্র বইটি পড়ছেন, বৃন্দ্রা বৃন্দ্রকে, নোট করছেন, সমান্তরালভাবে কতগুলো কথা আসছে তাঁর মনে, কিছু অনুভূতি, বৃন্দ্রা বৃন্দ্রকে না, ছেড়ে চলে যাচ্ছে, বৃন্দ্রের মনে পড়ছে তাঁর ছেলেবেলার প্রেমের কথা, একজিসটেনসিয়ালিজম নিয়ে অতি দীর্ঘ বক্তৃতা দিয়েছিল সে, গালে হাত দিয়ে শুনোছিল তনুকা, তনুকা এখন নিউইয়র্কে, বৃন্দ্রের খুব কষ্ট হচ্ছে, খুব ইচ্ছে করছে তার মনের কথা বলার, এমন সময় বালক ছেলোট ছুটেতে ছুটেতে এল, বৃন্দ্রের চোখ চকচক করে উঠল, আবার যাবে সে সমুদ্রে, মাছ ধরতে, আর সর্কিছুর শেষে এক শূন্য আর এক উজ্জ্বল সোনালি সিংহ এই নিয়েই তো হোমিংওয়ে একটা উপন্যাস লিখেছিলেন, লিখেছিলেন না?

বিশ শতকের শেষে এসে আমরা দেখতে পাচ্ছি যে পৃথিবীজুড়ে সীমানার অদলবদল হচ্ছে : বার্লিনের দেয়াল ভেঙে পড়ল, দেয়াল উঠল প্রাচীন রাশিয়ার রাজ্যগুলিতে। তেমন করেই দেওয়াল ভেঙে পড়ছে সাহিত্য, দর্শন, সমালোচনা, এবং সমাজ বিজ্ঞানের। সমালোচক এবং সাহিত্যিকের মাঝে বরাবর কি কোনও লাইন টানা যায়? আমি যখন মার্কসের ক্যাপিটাল গ্রন্থের সমালোচনা করি, তখন তো আসলে আমি আর একটা দাস ক্যাপিটালই লিখি। লিখি না? তাহলে আমি কি? লেখক না সমালোচক?

আবার এই কাজ করাকালীন তো মানুষেরা আমাকে লাঠি নিয়ে মারতে আসে, আমি আহত হই, আমার চোখের কোণ দিয়ে রক্ত পড়ে (রক্ত না জল?) চারপাশে পড়ে থাকে আমার পকেটের খুচরো পয়সাগুলো আর দুঃখ, সেই দুঃখ ছাড়িয়ে পড়ে সর্বত্র, আমার লেখায়। তখন আমি কে? সমাজবিজ্ঞানী কি?

ন্যাশনালিজমের দিন শেষ হল, এখন মাল্টিন্যাশনালের দিন। এক প্রাচীন দৈত্য এসে

ভেঙে ফেলছে সব, আমাদের ঘরবাড়ি, অসুখ-সুখের আরু গেল, রাইট অফ ফাস্ট নাইট, আমাদের স্পর্শাতুর কন্যাদের মন বিশৃঙ্খল শতাব্দীর সর্বনাশ হয়ে গেছে জেনে ...কি হবে আর দেওয়াল তুলে, সাহিত্যিক ?

অতএব, এখন যে লেখাগুলো হবে তার লেবেল আমি জানি না। (তুমি সাহিত্য করছ না, আবার সমাজবিজ্ঞানও লিখছ না, তাহলে তুমি কি করছ ?) এক আদম স্যাভেজ আমি, বিকোলার, ম্যাজিসিয়ান, চারপাশের কাঠ, খড় বা কিছুর পাই সবকিছুর মিলিয়ে একটা কিছুর খাড়া করে দিই আমি, মাঝখানের শূন্যগুলো জুড়ে থাকে ছেঁড়া ছেঁড়া উপকথা, তার মানে আমি জানি না, তোমরা যেমন খুশি মানে কর অর্থাৎ আর একটা কিছুর দাঁড় করাও। এইভাবে লেখার কিছুর সুবিধা আছে। যেমন লেখাটিতে যখন ইমোশানের মাত্রা চড়ে যাচ্ছে অর্থাৎ লেখাটি প্যানেপেনে হয়ে যাচ্ছে তখন কয়েকটি প্যারাগ্রাফ দর্শন বিষয়ে আলোচনা করা যেতে পারে। মাঝখানে রিলিফ হিসাবে প্রিয় নারীর সঙ্গে হেলিকপ্টার ভ্রমণের বর্ণনা রাখা যায়। ফলত ভাষাও একটি আলাদা মাত্রা পাবে। সাহিত্যিকদের ওয়ান ডাইমেনশনাল ভাষার বদলে নানা বিষয়ের সংযোগে ভাষার অতি সহজ এবং সাবলীল এক গুণানামা আসবে। এইভাবে আমরা একই স্পেসে সমুদ্র, অরণ্য এবং পাহাড় নিয়ে আসতে পারি। এইভাবে আমরা বিভিন্ন বিষয়ের ভাষার দেওয়ালগুলো ভেঙে দেব। তখন দেখা যাবে যে বাঙলা, ইংরেজি, ফ্রেঞ্চ এবং স্প্যানিশ ভাষার সীমারেখাগুলি সরে গেল। আমার লেখা খুব সহজেই স্প্যানিশে অনূদিত হয়ে গেল, ল্যাটিন আমেরিকার তরুণ-তরুনীরা আমার লেখা পড়ছে।

আমাকে একটি ভাষা দাও যা নেশন ভাঙতে পারে।

আট

পোস্ট মডার্নিজমের মূল প্রতিপাদ্য হল :

এক, ঈশ্বর নেই। অতএব নেশন নেই পার্ট নেই ফ্যামিলি নেই। না-ই সত্য। আর সব কিছুর মিথ্যে।

দুই, আবার যা মিথ্যে তা অসত্য নয়। মিথ্যে একটি তাত্ত্বিক ক্যাটিগরি। মিথ্যে হল যে শূন্যের পর তৈরি ঘর, তাসের। উজ্জ্বল হরতন ইস্কাপন রুহিতনের সাহেব বিবি গোলামেরা ঘুরে বেড়ায়। একটু ফুঁ দাও, ওদের ঘর ভেঙে পড়বে। এই ফুঁ দেওয়ার পদ্ধতিকে বলে ইন্টারোগেশন।

তিন, তখন তুমি এই তাসগুলি দিয়ে আর একটি ঘর করতে পার যার নাম ডিকনস্ট্রাকশন। এর জন্য আগের ঘরটিকে সম্পূর্ণ ভাঙার দরকার নেই। কয়েকটি সংবেদনশীল অংশকে ভাঙলেই

নয়

নেশন নেই রাজা নেই ঈশ্বর নেই, ভেঙে পড়ছে জব চার্ন'কের কলকাতা, গঙ্গার বদুক দিয়ে বয়ে যায় গলিত অ্যাসিড, টিন, শব, টেকচাঁদ, বেশ্যাদের রাত, রবীন্দ্রনাথ। আমি কপিল সাংখ্যকার : একবার চোখ মেলে তাকালাম, সম্রাট সগরের সন্তানেরা ভঙ্গ হল। সেই থেকেই তো সাগর মেলার শুরুর। সাগর মেলা আজও চলে, দেখ। এশিরিয়া ধুলো আজ, ব্যাবিলন ছাই হয়ে গেছে।

আমার মনে পড়ছে সব, আমি জাতিস্মর। সপ্তদশ অশ্বারোহী যখন এই বঙ্গভূমি আক্রমণ করে, তখন তাঁদের দ্ব-হাত তুলে সম্বর্ধনা জানিয়েছিল যে বৌদ্ধ ভিক্ষুক, সে তো আমিই। আবার সিরাজের কবর খুঁড়তে খুঁড়তে হো হো করে হেসে উঠাছিল যে ডোমটি সেও তো আমি। আজ আর একবার আনাকে বল্লাল সেনের সন্তানসন্ততিদের শেষ কৃত্য করতে দাও।

সন্তরের রাগী যুবকেরা বেঙ্গল রেনেশাঁসে দেশজ কিছুই দেখতে পান নি, এটা দ্বঃখজনক, সরলীকরণ। বেঙ্গল রেনেশাঁসের প্রায় সবটাই দেশজ, ইংরেজ নিমিত্ত অর্থাৎ মাধ্যম মাত্র। ইংরেজের হাত ধরে বল্লাল সেনের সন্তানসন্ততিরা ক্ষমতায় ফিরে এল। পাশ্চাত্য দর্শনের ডিজেনারেশনের শুরুর সক্রিটিস থেকে, প্রাচ্যে ন্যায়াশাস্ত্রে। ইংরেজ সহজ এবং সাবলীল-ভাবে এই দুই অবক্ষয়কে মেলাল। ফল : বেঙ্গল রেনেশাঁস। ভাটপাড়ার নৈয়ায়িক হলেন সাহিত্যসম্রাট। সেই থেকে অফিসিয়াল সাহিত্যের জায়গারদারি মোটামুটিভাবে ভাটপাড়াতেই আছে। মাঝখানে রবিঠাকুর, কেমনভাবে জানি না, একটু নিমাইভক্ত হয়ে পড়লেন এবং ফলত পেলেন নোবেল প্রাইজ। তাও তো তিনি গদাই থেকে কিছুই চুরি

চলবে।

চার, সকল ঘরই যখন মিথ্যে ; একটি বই-ও অনিবার্যভাবে একটি মিথ্যে। বই-বলে কিছু নেই। অতএব লেখক বলেও কিছু নেই।

পাঁচ, অতএব ঈশ্বরও মিথ্যে। ঈশ্বর অর্থাৎ যে কোনো ধরনের আদর্শ : সাম্য, স্বাধীনতা, প্রেম, সোস্যালিজম।

ছয়, অর্থাৎ পোস্ট মডার্নিজম হল দৈত্যরাজের দর্শন। দৈত্য অর্থাৎ ক্ষমতা। অতএব, দর্শন এবং সমাজবিজ্ঞানের আলোচনার বিষয় হল ক্ষমতা বিষয়ক প্রতিপাদ্যগুণী।

সাত, দৈত্যরাজ ঈশ্বরকে নির্বাসিত করে খুদে দেবদেবীদের মুক্ত করে দিল। বলা হল যে যার ব্যক্তিগত দেবদেবীদের পূজো

করেন নি। মডার্নিজমের দিন শেষ, অতএব অনিবার্যভাবে খসে পড়ছে জব চার্নকের কলকাতার ইঁট, খড়, নথিপত্র, মিউজিয়াম, মিম, কলকাতা ইউনিভার্সিটি, হিজড়াদের গান, বালিগঞ্জ, ব্রাহ্ম, সি পি আই, কলকাতার সুমহান ঐতিহ্য। শব্দ পৌরাণিক কলকাতার ডাকাতে কালী জিভ বের করে হাসছেন, তাঁর সন্তান আমরা, শৃঙ্খল ছাড়া আমাদের আর কিছুই হারাবার নেই।

অতএব, বল্লাল সেনের কলকাতার অবিচ্যুয়ারি লেখা শব্দ হোক। আলোচনার সূত্রপাত অবশ্যই অধ্যাপক সরোজ দত্তের লেখা পত্র থেকে— আমার সকল আইডিয়াই তাঁর কাছ থেকে পাওয়া। শশাঙ্ক : এই নামটি আমার চোখের সামনে এক তেপান্তরের মাঠ খুলে দেয়। মূর্তি ভাঙার আর কোনো প্রয়োজন নেই, মূর্তিগুলোকে আসামীর কাঠগড়ায় দাঁড় করাও, ইন্টারোগেট কর, মূর্তিগুলো পিছন হঠতে থাকবে, তারপর এক সময় খাদের ভিতর পড়বে টুপটাপ : রক্তপাতহীন কালচারাল রেভল্যুশন। আসলে এদের দিন শেষ। অতিব্যবহৃত গণিকারা মাষ্টানের মতো মাফিয়াসদার এইবার এদের ছুঁড়ে ফেলে দেবে স্বয়ং, নিজহস্তে, গর্তে। অর্থাৎ এইবার মূর্তি আক্রমণ করলে পুরস্কার পাওয়া যাবে, নিউইয়র্ক থেকে কনফারেন্সের চিঠি আসবে, আর তখন ঢাল নেই তলোয়ার নেই নিধিরাম সদার প্রাচীন বঙ্গজ মৃৎসুন্দরি কি চেঁচাতে সাহস পাবে, কেননা তখন তো নব্য মৃৎসুন্দরি এসে গেছে, এক মৃৎসুন্দরিপনা থেকে আর এক মৃৎসুন্দরিপনা—এই হল অ্যাকাডেমিক সোস্যাল সাইন্স।

আসল কথা : কলোনিয়াল পাওয়ার কিভাবে কাজ করে? কিভাবে তাঁর মতাদর্শগত প্রভুত্ব স্থাপিত হয়? মতাদর্শগত প্রভুত্ব স্থাপনে এজেন্ট বা কোলাবোরের কারা?

করতে পারে। এইভাবে দৈত্যরাজ তার মতাদর্শগত প্রভুত্ব স্থাপন করে। সহজ কথায় : পোস্ট মডার্নিজম বলে যে মানুষ নানারকমভাবে বাঁচতে পারে; ইউরোপই একমাত্র মডেল নয়।

আট, ফলত অনুন্নত দেশগুলির সঙ্গে মালটিন্যাশনালগুলির এক নতুন সেতু তৈরি হল। মডার্নিজম নেটিভদের বৃদ্ধাত না। পোস্ট মডার্নিজম নেটিভের অর্থ সৃষ্টি করল— নেটিভকে তার মতো ভাবে বৃদ্ধল। অতএব, পোস্ট মডার্নিজম কোনো এক ফ্যাশন নয়, এটা থাকবে বেশ কিছুদিন, দৈত্যরাজের দর্শন হয়ে।

অবশেষে, বিংশ দশকের শেষে এসে ঈশ্বরের মৃত্যু হল। ঈশ্বর, অবশ্যই, মানুষের শত্রু ছিল। কিন্তু ঈশ্বরকে হত্যা মানুষ করে নি, করেছে দৈত্যরাজ, — মানুষের আর এক শত্রু। কিন্তু ঈশ্বরের

কলোনিয়াল মাইন্ডের স্প্রিসিফিসিটি কি ? অর্থাৎ এটি একটি তাত্ত্বিক রিসার্চ প্রজেক্ট । পোস্ট মডার্নিজম একটি তাত্ত্বিক কাঠামো দেবে ; বেঙ্গল রেনেশাস এই তাত্ত্বিক কাঠামো প্রয়োগের এক অতি উর্বর ক্ষেত্র । তখন দেখা যাবে যে ঊনবিংশ শতাব্দীর বাঙালিরা দাসত্বের যে উজ্জ্বল কাঠামো তৈরি করেছিল তার একটি আন্তর্জাতিক অর্থাৎ আমেরিকান মার্কেট আছে এবং এই মার্কেটের সাহায্যে বাঙালি একুশ শতাব্দীতে আর একটি নবজাগরণ ঘটাতে পারে । বাঙলা তার লোহা, কয়লা, তেল এবং এই লিপিবদ্ধ দাসত্বের কালচার বা ডিসকোর্সের সাহায্যে বিশ্বের দরবারে একটি স্থানও পাবে । এইভাবে তৈরি হবে একঝাঁক নতুন পম্পাস ভূত্য : প্রাতিষ্ঠানিক গবেষক । অন্যদিকে মধ্যবিত্ত উচ্চ-মধ্যবিত্ত বাঙালি ঘরগুলো টুকরো টুকরো হয়ে যাবে, অংক জানে কম্পিউটার জানে ইংরেজি জানে ফরাসি জানে উজ্জ্বল ছেলেরা ঘুরে বেড়ায় নগরীর রাজপথে, তাঁদের জন্য কাজ নেই, কাজ নেই তাই প্রেম নেই, অতএব ড্রাগ আছে নিষিদ্ধ যৌনবিহার আছে, অথচ বিপ্লব নেই, বিপ্লব তা শেষ হয়ে গেছে কবে, মার্কসকে আমরা খুন করেছি, মার্কস দীর্ঘজীবী হোক । এইখানে কোন্ স্বাধীন গোচারণ ক্ষেত্র তুমি তৈরি করবে, লেখক ? এখনই তো সময় তুমি তোমার নির্বাচিত কমরেডদের নিয়ে অব্যবস্কন্দ করবে । গদ্যপু গহ্বর তৈরি কর, হারি আপ, কেননা কিছুক্ষণ বাদেই তো নগরীর উজ্জ্বল আলোগুলো জ্বলে উঠবে কলকাতায় আর লোডশেডিং নেই কলকাতা এখন কল্লোলিনী তিলোত্তমা এ কোন বেশ্যার সাজে সেজেছে কলকাতা চতুর্দিকে দালাল এবং পিম্প পরিবেষ্টিত আলোগুলো জ্বলে উঠেছে মহানগরীর পথ দিয়ে চলে দৈত্যরাজের রথ এখনে যে কোনো অ্যাকশান মানেই তো দৈত্যরাজকে হেইল করা । দৈত্যরাজ দীর্ঘজীবী হোক, আমি

মৃত্যু নিয়ে মরাকান্না আমি তুলি না । জন্ম হলে, মৃত্যু হবে । ঈশ্বরের জন্ম হয়েছিল, তাই মৃত্যু হল । দৈত্যরাজের সঙ্গে লড়তে হবে । মারতে না পারি, সামাল তো দিতে পারব । আপাতত লড়াই হবে দৈত্যরাজের অস্ত্র নিয়ে অর্থাৎ পোস্ট মডার্নিস্টদের ক্যাটিগরির সাহায্যে । এইসব ফুকো, ডেরিডাদের আসামীর কাঠগড়ায় দাঁড় করাও, ইন্টারোগেট কর, দেখবে ওরা কেমন বাজে বকতে শুরুর করেছে । কিন্তু আপাতত এসব কাজ না করাই ভাল । ফুকো ডেরিডার নাম করলেই ঈশ্বরভক্তরা মারতে আসবে । আবার ওরাও তো আমাকে খুব আদর করবে না । অতএব, চুপ কর, চুপ, যতদিন না ঈশ্বর নিয়ে মরাকান্না একটু থিতোয় ।

পোস্ট মডার্নজমকে হেইল করছি।

দেখ, আমি কেমন সাবলীলভাবে দৈত্যরাজকে হেইল করছি, যেমন করেছিলাম সপ্তদশ অম্বারোহী বা ক্রাইভকে। আমার ঈশ্বর নেই অতএব দেশ নেই স্বাধীনতা নেই, পরাধীনতা নেই, আমার খালি গা, পা পৃথিব্যের, টাইম এবং স্পেস অতিক্রম করে আমি হেঁটে চলেছি। দস্দুরা যখন গোচারণ ক্ষেত্র আক্রমণ করেছিল কে লড়াই করেছিল, সে তো আমিই, কে প্রথম আবিষ্কার করে আগুন বা বর্ণমালা, আমি শূন্য, কে তোমরা আমাকে বাঁধবে? তোমাদের ক্যাটিগারি দিয়ে আমাকে ধরতে যেও না, দেখ চাঁদ উঠেছে, পূর্ণ চাঁদ, জ্যোৎস্নায় ভরে গেছে আমাদের প্রাচীন পৃথিবী। আজ বৃন্দপদুর্গমা।

দশ

আসলে আমার লেখার কোনো মানে হয় না। কে আমি যে লিখব আর তোমরা আমার লেখা পড়বে? লেখার নিজস্ব জোরের জায়গা থেকেই একটা লেখা পাঠক পায় এটি একটি অতি প্রাচীন বাজে কথা। আমি বড় ঘরের ছেলে নই, আবার সম্যাসীও নই, মদ খাই না, গাঁজা খাই না, আমার ভৈরবী নেই, বন্দুক নেই, শব্দ কলম আছে, তোমরা কেন আমার কথা শুনবে? আমি বুনোর মতো বোকা নই, পৃথিবী সূর্যের চারদিকে ঘোরে জেনেছি তো এখানেই শেষ, বলতে গেলে লোকে মারতে আসবে, ওসব কথা লোকে গ্যালিলিও-র কাছ থেকে শুনতে চায়, আমার কাছ থেকে নয়। এই তো সেদিন বিশ্বস্তর কি মারটাই না খেল : রাজা যাচ্ছিল রাজপথ দিয়ে, ও বলে উঠল রাজা ন্যাংটো, লোকজন কি মারটাই না মারল, রাজার সেপাই মারলে তো ভাল ছিল, বিশদ বীর হয়ে কলেজে ফিরত, শ্যামশ্রীর কোলে মাথা রেখে শূত। তো, মারল বিশদ বৃন্দবান্ধব। কি, এমন কথা! ওরা সবাই দেখছে রাজার পরনে রেশমী কাপড়, আর বিশদ বলে কিনা— ওদের ভারি অপমান লেগেছিল, শ্যামশ্রীতো বললই, বিশদা, এটি তুমি ভাল কাজ কর নি। বেচারী বিশদ। মার খেল, বৃন্দদের হারাল, প্রেমিকাও চলে গেল। (নারীকেও নিয়ে যায়।) শহীদ হবার দিন চলে গেছে— বুনো তবু শহীদ হতে পেরেছিল। এসব হল রাম রাজত্ব : নীচ জাতের শব্দক নিজের মতো পড়াশুনো করছিল, উচ্চবর্ণের সইবে কি করে, তাই প্রচার করা হল যে শব্দক নাকি শিশুদের সঙ্গে যৌনক্রীড়া করে আর রাম এসে ঘ্যাঁচাৎ করে শব্দকের গলাটা কেটে দিলেন আর আকাশ থেকে পদ্পবৃষ্টি হল।

এইসব জানার পর আমি বৃন্দদের আর কিছুই বলি না। প্রিয় গাছ, তুমি নগরীর যুবকদের বলে দিও, রাজার দুটি শিং আছে। □